

# Motheo oa ABC/Kobo-Tata ea Basotho

*O Hlomathisitsoeng Sebokeng sa Selemo  
sa la 24-25 Hlakola 2012*



*“Sera sa Motho ke Tlala”*  
LA CHABA LETSATSI

All Basotho Convention  
Kobo-Tata ea Basotho



*“Sera sa Motho ke Tlala”*



*Motsoahae Thomas Thabane*  
Moetapele oa ABC/Kobo-Tata.

## LETHATHAMO LA TSE HLAHANG KA HARE

<b>A. Likomiti</b> .....	<b>7</b>
1. Komiti ea Naha ( <i>National Executive Committee – NEC</i> ).....	7
1.1 Komiti ea Tšebetso ( <i>Executive Working Committee –EWC</i> ).....	7
1.2 Komiti ea Tharollo ea Likhohlano le Likhang ( <i>Conflict and Dispute Resolution Committee – CDRC</i> ).....	8
2. Komiti ea Naha ea Mafumahali ( <i>National Women’s Committee – NWC</i> ).....	8
3. Komiti ea Naha ea Bacha ( <i>National Youth Committee – NYC</i> ).....	8
4. Komiti ea Khokahanyo ea Ntlatfatsa ea setereke.....	9
5. Komiti ea Boitšoarō ( <i>Disciplinary Committee – DC</i> ) .....	9
6. Komiti ea Lebatooa ( <i>Constituency Committee – CC</i> ).....	9
6.1 Likomiti tsa Mabatooa a ka ntle ho Naha ( <i>Ho Kenyeletsa: Gauteng, North West, Mpumalanga,Foreisetata, Kapa le Natala</i> ).....	10
6.2 Komiti ea Lebatooa ea Mafumahali .....	10
6.3 Komiti ea Lebatooa ea Bacha .....	10
6.4 Likomiti tsa Mabatooa a kantle ho Naha tsa Bacha.....	10
7. Komiti ea Lekakala ( <i>Branch Committee – BC</i> ).....	11
<b>B. Mesebetsi ea Likomiti</b> .....	<b>11</b>
1. Mesebetsi ea Komiti ea Naha.....	12
1.1 Mesebetsi ea Ofisi ea Mongoli Kakaretso .....	13
1.2 Mesebetsi ea Komiti ea Tšebetso .....	13
1.3 Mesebetsi ea Komiti ea Tharollo ea Likhohlano le Likhang ( <i>Conflict and Dispute Resolution Committe – CDRC</i> ).....	13
2. Mesebetsi ea Komiti ea Naha ea Mafumahali.....	14
3. Mesebetsi ea Komiti ea Naha ea Bacha.....	15
4. Mesebetsi ea Komiti ea Khokahanyo ea Ntlatfatsa ea Setereke.....	15
5. Mesebetsi ea Komiti ea Boitšoarō .....	16
6. Mesebetsi ea Komiti ea Lebatooa.....	17
7. Mesebetsi ea Komiti ea Lekala.....	18
8. Komiti ea Lekhotla ea Paramente ( <i>Parliamentary Caucus</i> ).....	19
<b>C. Botho Komiting tsa ABC/Kobo-Tata</b> .....	<b>19</b>
1. Botho Komiting ea Naha .....	19
2. Botho Komiting ea Naha ea Mafumahali .....	19

3.	Botho Komiting ea Naha ea Bacha.....	20
4.	Botho Komiting ea Lebatooa.....	20
5.	Botho Komiting ea Lekala.....	21
6.	Methati ea Kopo le Nchafatso ea Botho Lekhotleng la ABC/KOBO-TATA.....	22
<b>D.</b>	<b>Mohoo oa ABC/Kobo-Tata.....</b>	<b>22</b>
<b>E.</b>	<b>Sebopeho sa Seboka sa Naha sa Selemo.....</b>	<b>22</b>
<b>F.</b>	<b>Sebopeho sa Seboka sa Naha sa Mafumahali.....</b>	<b>22</b>
<b>G.</b>	<b>Sebopeho sa Seboka sa Naha sa Bacha.....</b>	<b>23</b>
<b>H.</b>	<b>Sebopeho sa Seboka sa Lebatooa.....</b>	<b>23</b>
1	Sebopheho sa Seboka sa Mabatooa a Kantle ho Naha .....	23
<b>I.</b>	<b>Sebopeho sa Seboka sa Lekala.....</b>	<b>23</b>
1	Sebopheho sa Seboka sa Makala a Kantle ho Naha.....	24
<b>J.</b>	<b>Sebopeho sa Seboka sa Naha sa Selemo.....</b>	<b>24</b>
1.	Matla le Mesebetsi ea Seboka sa Naha sa Selemo.....	24
2.	Matla le Mesebetsi ea Seboka sa ABC/KOBO-TATA sa Lebatooa.....	25
3.	Matla le Mesebetsi ea Lekala ea ABC/KOBO-TATA.....	25
<b>K.</b>	<b>Litsiea tsa ABC/Kobo-Tata.....</b>	<b>25</b>
<b>L.</b>	<b>Liphefoho Motheong oa Tsebetso.....</b>	<b>25</b>
<b>M.</b>	<b>Boemeli Libokeng tsa ABC/Kobo-Tata.....</b>	<b>26</b>
<b>N.</b>	<b>Mokhoa oa ho Vouta .....</b>	<b>27</b>
<b>O.</b>	<b>Ho khaola Likhang (Disputes) .....</b>	<b>27</b>
<b>P.</b>	<b>Khetho ea Likomiti tsa ABC/Kobo-Tata.....</b>	<b>28</b>
<b>Q.</b>	<b>Khetho ea boromuoa bo eang Libokeng tsa ABC/Kobo-Tata.....</b>	<b>28</b>
1	Boromuoa.....	29
2	Liboka tsa Naha tsa ABC/KOBO-TATA.....	30
<b>R.</b>	<b>Lichelete tsa ABC/Kobo-Tata.....</b>	<b>30</b>
1	Lichelete tsa Lebatooa.....	30
2	Lichelete tsa Lekala.....	30
<b>S.</b>	<b>Bohlahlobi ba Lichelete.....</b>	<b>30</b>
<b>T.</b>	<b>Temo.....</b>	<b>30</b>
<b>U.</b>	<b>Methati ea ho amoha setho Botho Lekhotleng (Procedure for Termination of Membership).....</b>	<b>31</b>
<b>V.</b>	<b>Methati ea ho koala Lekhotla (Party Windup).....</b>	<b>31</b>

**LEBITSO:** All Basotho Convention (ABC) / Kobo-Tata ea Basotho

**HO THEOA:** Kobo-Tata e thehiloe ka la 09 Mphalane 2006.

**LEPETJO:** “Sera sa Motho ke Tlala”

**LITHO:** Baahi bohle ba Lesotho kahare le kantle ho naha, ba lilemo lileshome le metso e robeli le ho feta, le Mekhatlo e nang le maano a lumellanang le a ABC/KOBO-TATA.

**BOTHO:** Botho e tla ba bo lumellanoeng Sebokeng sa Naha sa selemo

**KANO:** “Mona ke ipolela le ho ikana e le ‘na ho amohela le ho tsamaea ka Motheo oa boikano ao ABC/KOBO-TATA EA BASOTHO. Ka boithaopo le ka tieo, ke itlama ho jara ka botšepahi, boikarabello bo tlamang litho tsohle tsa ABC/KOBO-TATA EA BASOTHO. Seo ke se buang le seo ke se etsang, e tla ba se ahang eseng se heletsang. Ka ho se etse joalo, ke tla be ke ikamohile botho.”

**FOLAKHA:** E tla ba le ‘mala e meraro. O motala hohle, letsatsi le ‘mala oa Khauta le potiloeng ke mahlaseli a mafubelu.

**Botala:** Naha;

**‘Mala oa Khauta:** Moruo;

**Bofubelu:** Thapelo.

## SEPHEO:

- i. Ho kopanya baahi bohle ba kahare le kantle ho naha tlas’a Lekhotla le le leng la lipolotiki ka sepheo sa ho loantša le ho fenyha TLALA, BOFUMA, MAFU LE TLHOKAHALO EA TSEBO;
- ii. Ho loantša le ho felisa litlolo tsa molao le bobolu ka litsela tsohle;
- iii. Ho apesa Basotho bohle kobo-tata e akaretsang Banna, Bacha, Babolli, Barutehi, Batho ba litumelo ka ho fapana, tlas’a leano le le leng la “LESOTHO FATŠE LA BO NTAT’A RONA”.
- iv. Ho thehela Basotho bohle Lekhotla la bolokolohi leo ho lona bohle ba tlahlahisa maikutlo a bona, ho se khethollo le khethollano.
- v. Ho amohela Mafumahali litabeng tsohle tsa sechaba.
- vi. Ho amohela le ho tataisetsa Bacha tseleng ea puso le tsamaiso ea naha ea habo bona.
- vii. Ho etsa Lesotho sehlekehleke sa botsitso ho batseteli ba tsoang ka ntle le ka hare ho naha.
- viii. Ho fetola le ho boloka Lesotho e le sehlekehleke sa KHOTSO.
- ix. Ho matlafatsa le ho tiisa maemo a Lesotho mekhatlong ea lefatše e kang SADC, AU, NAM le UN, ‘moho le mekhatloana e oelang tlas’a eona.

## A. LIKOMITI

### 1. KOMITI EA NAHA (NATIONAL EXECUTIVE COMMITTEE – NEC)

**Komiti ea Naha e tla thehoa ka:**

- a) Moetapele;
- b) Motlatsi oa Moetapele;
- c) Molula-Setulo;
- d) Motlatsi oa Molula-Setulo;
- e) Mongoli-Kakaretso;
- f) Motlatsi oa Mongoli-Kakaretso;
- g) Ramatlotlo-Kakaretso;
- h) Mongoli oa Lipuisano;
- i) Mongoli oa Likhokahanyo le Liphatlalatso;
- j) Motlatsi oa Mongoli oa Likhokahanyo le Liphatlalatso;
- k) Moemeli oa Komiti ea Mafumahali;
- l) Moemeli oa Komiti ea Bacha;
- m) Baemeli ba Litereke (10), ba tsoang Likomiting tsa Litereke ka ho fapana;

**Litho tse ling li tla khetheloa mesebetsi e latelang ea ntlafatso:**

- n) Moemeli oa Mekhatlo ea Basebetsi;
- o) Moemeli oa Bahoebi;
- p) Moemeli oa Lihoai;
- q) Moemeli oa bo-Ramakoloi;
- r) Moemeli oa Mekhatlo ea Bonono le Botaki;
- s) Moemeli oa Libini tsa 'Mino oa Sesotho;
- t) Moemeli oa Lingaka tsa Moetlo le Babolli;
- u) Moemeli oa Mekhatlo ea Likooa.

### 1.1 KOMITI EA TŠEBETSO (EXECUTIVE WORKING COMMITTEE – EWC)

**Komiti ea Tšebetso e tla thehoa ka:**

- a) Moetapele;
- b) Molula-Setulo;
- c) Mongoli-Kakaretso;
- d) Mongoli oa Lipuisano;
- e) Ramatlotlo Kakaretso;
- f) Litho tse peli tse tla khethoa ke Moetapele.

## 1.2 KOMITI EA THAROLLO EA LIKHOHLANO LE LIKHANG (CONFLICT AND DISPUTE RESOLUTION COMMITTEE – CDRC)

E tla thehoa ka litho tse supileng (7) tse tla thonngoa le ho fetoloa ke Komiti ea Naha ho ipapisitsoe le temana ea B. 1. r) ea Molao oa Motheo oa ABC/KOBO-TATA.

## 2. KOMITI EA NAHA EA MAFUMAHALI (NATIONAL WOMEN'S COMMITTEE – NWC)

**Komiti ea Naha ea Mafumahali e tla thehoa ka:**

- a) Molula-Setulo;
- b) Mongoli;
- c) 'Mamatlotlo;
- d) Mongoli oa Lipuisano;
- e) Mongoli oa Liphatlalatso le Likhokahanyo;
- f) Litho tse peli.

## 3. KOMITI EA NAHA EA BACHA (NATIONAL YOUTH COMMITTEE –NYC)

**Mocha e tla ba setho se lipakeng tsa lilemo tse leshome le metso e robeli (18) le tse mashome a mararo a metso e mehlano (35). Komiti ea Naha ea Bacha e tla thehoa ka:**

- a) Molula-Setulo;
- b) Mongoli;
- c) Ramatlotlo;
- d) Mongoli oa Lipuisano;
- e) Mongoli oa Liphatlalatso le Likhokahanyo;
- f) Litho tse Peli

**Litho tse ling li tla khetheloa mesebetsi e latelang ea ntlafatso:**

- g) Moemeli oa Lipapali;
- h) Moemeli oa Bahoebi;
- i) Moemeli oa Lihoai;
- j) Moemeli oa Mekhatlo ea Bonono le Botaki;
- k) Moemeli oa Mekhatlo ea Libini.

## 4. KOMITI EA KHOKAHANYO EA NTLAFATSO EA SETEREKE

**Komiti ea Khokahanyo ea Ntlafatso ea Setereke e thehoa ka:**

- a) A le mong oa litho tsa Komiti ea Lebatoa le leng le le leng le ka



har'a Setereke seo.

## 5. KOMITI EA BOITŠOARO (DISCIPLINARY COMMITTEE – DC)

Komiti ea Boitšoaro e tla ba le litho tse hlano (5) tse tla thonngoa le ho fetolea ke Moetapele, a eletsana le Komiti ea Tšebetso. Moetapele a ka sebelisa keletso eo ha e nepahetse e le molemong oa ABC/KOBO-TATA.

## 6. KOMITI EA LEBATOOA (CONSTITUENCY COMMITTEE – CC)

**Komiti ea Lebatooa ea ABC/KOBO-TATA e tla thehoa ka:**

- a) Molula-Setulo;
  - b) Mongoli (A ka sebetsa mosebetsi oa Molula-Setulo ha a le sieo);
  - c) Ramatlotlo;
  - d) Motsamaisi oa Merero;
  - e) Mokhethoa;
  - f) Mokhethoa oa Puso ea Libaka;
  - g) Moemeli oa Mafumahali;
  - h) Moemeli oa Bacha;
  - i) Litho tse peli;
- Litho tse ling li tla khetheloa mesebetsi e latelang ea ntlafatso:**
- j) Temo le Limmaraka;
  - k) Lipalangoang le Litsela;
  - l) Bophelo;
  - m) Bohahlaoli, Bochaba le Tikoloho;
  - n) Thuto le tsa Mahlale;
  - o) Boiketlo ba Sechaba le Lipenchene;
  - p) Bosebeletsi ba Sechaba;
  - q) Puso e Ntle, Toka le Tšireletso;
  - r) Lipapali, Bacha le Teka-Tekano;
  - s) Puso ea Libaka (Ntlafatso ea Metse le Litoropo).

### 6.1 LIKOMITI TSA MABATOOA A KA NTLA HO NAHA (HO KENYELE TSA: GAUTENG, NORTH WEST, MPUMALANGA, FOREISETATA, KAPA LE NATALA)

Sebopeho sa Likomiti tsena se tla tšoana le sebopeho sa Komiti ea Naha ea Mafumahali (2.) ka holimo.

## 6.2 KOMITI EA LEBATOOA EA MAFUMAHALI

**Komiti ea Lebatooa ea Mafumahali e tla thehoa ka:**

- a) Molula-Setulo;
- b) Mongoli (A ka sebetsa mosebetsi oa Molula-Setulo ha a le sieo);
- c) 'Mamatlotlo;
- d) Mongoli oa Lipuisano (Ho ngola lipuisano liphuthehong tsa Komiti);
- e) Mongoli oa Liphatlalatso le Likhokahanyo.

## 6.3 KOMITI EA LEBATOOA EA BACHA

**Komiti ea Lebatooa ea Bacha e tla thehoa ka:**

- a) Molula-Setulo;
- b) Mongoli (A ka sebetsa mosebetsi oa Molula-Setulo ha a le sieo);  
c) Ramatlotlo;
- d) Mongoli oa Lipuisano (Ho ngola lipuisano liphuthehong tsa Komiti);
- e) Mongoli oa Liphatlalatso le Likhokahanyo; Litho tse ling li tla khetheloa mesebetsi e latelang;
- f) Moemeli oa Bahoebi;
- g) Moemeli oa Mekhatlo ea Bonono le Botaki;
- h) Moemeli oa Mekhatlo ea Libini;
- i) Moemeli oa Lipapali.

## 6.4 LIKOMITI TSA MABATOOA A KANTLE HO NAHA TSA BACHA

Likomiti tsa Mabatooa a kante ho Naha tsa Bacha li tla tšoana le Komiti ea Naha ea Mafumahali (2.) ka holimo.

## 7. KOMITI EA LEKALA (BRANCH COMMITTEE – BC)

**Komiti ea Lekala e tla thehoa ka:**

- a) Molula-Setulo;
- b) Mongoli (A ka sebetsa mosebetsi oa Molula-Setulo ha a le sieo);
- c) Ramatlotlo;
- d) Mongoli oa Lipuisano/Motsamaisi oa Merero (Ho ngola lipuisano liphuthehong tsa Komiti);
- e) Litho tse Peli; Litho tse ling li tla khetheloa mesebetsi e latelang ea ntlafatso:
  - a) Temo le Limmaraka;

- b) Lipalangoang, Litsela le Litšia tsa Moruo;
- c) Bophelo;
- d) Bohahlaoli, Bochaba le Tikoloho;
- e) Thuto le tsa Mahlale;
- f) Boiketlo ba Sechaba le Lipenchene;
- g) Bosebeletsi ba Sechaba;
- h) Puso e Ntle, Toka le Tšireletso;
- i) Lipapali, Bacha le Teka-Tekano;
- j) Puso ea Libaka (Ntlafatso ea Metse le Litoropo);
- k) Moemeli oa Lingaka tsa Moetlo

## 7.1 LIKOMITI TSA MAKALA A KANTLE HO NAHA (BRANCH COMMITTEES OUTSIDE THE COUNTRY)

Sebopeho sa Likomiti tsa Makala a kantle ho naha se tla tšoana le tsa (2.) ka holimo.

### B. MESEBETSI EA LIKOMITI

#### 1. MESEBETSI EA KOMITI EA NAHA

**Mesebetsi ea Komiti ea Naha e fla ba ena:**

- a) Ho ntšetsa pele sepheo le merero 'moho le lepetjo tsa ABC/KOBO-TATA tse boletsoeng mona ka holimo;
- b) Ho phethahatsa tšebetso le liqeto tse laetsoeng ke Seboka sa Naha sa Selemo;
- c) Ho lisa le ho tataisa bophelo ba ABC/KOBO-TATA Mabatoong;
- d) Ho hlokomela hore Motheo, molao le melaoana ea tsamaiso libokeng tsa ABC/KOBO-TATA li ea lateloa;
- e) Ho bona hore botle Lekhotleng bo hlokomelehile;
- f) Ho hlokomela lichelete tsa ABC/KOBO-TATA le ho nehelana ka boemo ba tsona bo hlophisitsoeng hantle ka pele ho Seboka sa Naha sa Selemo;
- g) Ho qapa le hona ho ntšetsa pele mesebetsi ea ABC/KOBO-TATA e ka phethahatsang sepheo le merero 'moho le lepetjo tsa ABC/KOBO-TATA;
- h) Ho imamella, ho amohela kapa hona ho hana likopo le nchafatso ea botho Lekhotleng;
- i) Ho tlatsa likheo tse ka hlahang Komiting ea Naha ka hare ho nako

ea tšebetso, ka ho khethela setho se litokelong ho tlatsa sekheo se joalo Komiting ea Naha. Likheo li tlatsoe ho ipapisitsoe le lipheho tsa temana ea C. 1. ea Molao oa Motheo oa ABC/KOBO-TATA;

- j) Ho hlahloba le ho hlohonolofatsa khetho ea sechaba Mabatoong moo ho khethoang Mokhothaletsuoa oa Paramente. Moo Komiti ea Naha e sa khotsofallang khothaletso e joalo, e tla khutlisetsa taba eo Leba tooeng le joalo kapele ka moo ho ka etsuoang, 'me e fana ka mabaka a bakileng qeto e joalo.
- k) Moo ho nang le khang khethong ea Mokhothaletsuoa Mabatoong, Komiti ea Naha e tla kena lipakeng, 'me qeto ea eona e tla tlama mahlakore a mabeli khang;
- l) Bonyane hang ka khoeli, Komiti ea Naha e tla kopana ho utloa litlaleho holim'a boemo ba ABC/KOBO-TATA (Mpate Sheleng);
- m) Komiti ea Naha e ka 'na ea hapella setho se fe kapa se fe se boemong bo bottle Lekhotleng, ho thusa mosebetsing oa ABC/KOBO-TATA;
- n) Komiti ea Naha e tla hira batho ba tla sebetsa ofising ea Lekhotla tlas'a tsamaiso ea Mongoli-Kakaretso, le ofising ea Setereke;
- o) Komiti ea Naha e tla ba le matla a ho tebela basebetsi ba boletsoeng
- n) Ka holimo, ka keletso ea Mongoli-Kakaretso le Litereke ka ho fapana, ha tšebetso ea bona e se e sa khotsofatse;
- p) Komiti ea Naha e tla mamela le ho tiisa kapa ho fetola likhothaletso tsa Komiti ea Boitšoarō;
- q) Komiti ea Naha, ka thuso ea Likomiti tsa Mabatooa le Likomiti tsa Makala, e tla thonya litho tse tla emela ABC/KOBO-TATA, mekhahlelong e fapaneng (agents) tsamaisong ea Likhetho tse Akaretsang tsa Naha le tsa Puso ea Libaka;
- r) Komiti ea Naha e tla theha Komiti ea Tharollo ea Likhohlano le Likhang (Conflict and Dispute Resolution Committee) e tla ba le litho tse supileng (7);
- s) Setho sa Komiti ea Naha se tla ba sieo liphuthehong, tsa Komiti, tse tharo ka tatellano, ntle ho mabaka se sa itlaleha, setho se joalo se tla felloa ke botho Komiting.

## 1.1 MESEBETSI EA OFISI EA MONGOLI KAKARETSO

- a) Ho amohela mangolo a kenang le ho ngola a tsoang;
- b) Ho rala lethathamō la lipuisano tsa liphutheho tsa Komiti ea Naha le tsa Komiti ea Tšebetso;

- c) Ho rala tšebetso le ho hlalosa boikarabelo ba batho ba tla sebetsa ofising ea Lekhotla tlas'a tsamaiso ea Mongoli-Kakaretso, ba hiriloeng tlas'a temana ea B. 1. n) ka holimo;
- d) Ho rala le ho kenya tšebetsong, ka kakaretso, tsaimaiso (general administration) ea Lekhotla la ABC/KOBO-TATA;
- e) Ho kenya tšebetsong liqeto tsa Komiti ea Naha;
- f) Ho phethahatsa tšebetso ea letsatsi le letsatsi ea Lekhotla la ABC/KOBO-TATA.

## 1.2 MESEBETSI EA KOMITI EA TŠEBETSO

- a) Ho sala morao, mesebetsi eo e e laetsoeng ke Komiti ea Naha;
- b) Ho etsa mesebetsi ea letsatsi le letsatsi ea Komiti ea Naha;
- c) Ho tlalehela Komiti ea Naha ka a) le b) ka holimo.

## 1.3 MESEBETSI EA KOMITI EA THAROLLO EA LIKHOHLANO LE LIKHANG (CONFLICT AND DISPUTE RESOLUTION COMMITTEE –CDRC)

- a) Ho kena lipakeng, ka taelo ea Komiti ea Naha, moo likhohlano li ka hlahang ka har'a tšebetso;
- b) Ho rarolla, ka taelo ea Komiti ea Naha, likhang Mabatoeng, moo li ka hlahang ka har'a tšebetso, e ipapisitse le liphelelo tsa tharollo ea likhang, mekhahlelong e fapakaneng, tse hlahang ka har'a Molao oa Motheo oa ABC/KOBO-TATA;
- c) Ho tlalehela Komiti ea Naha ka a) le b) ka holimo.

## 2. MESEBETSI EA KOMITI EA NAHA EA MAFUMAHALI

- a) Ho loanela le ho sireletsa litokelo le litšoanelo tsa Mafumahali;
- b) Ho sireletsa le ho sebeletsa bana, tšoarong, kholong le kholisong ea bona sechabeng;
- c) Ho bopa khotso sechabeng se Lesotho le lefatšeng lohle
- d) Ho sebelisana le mekhatlo ea Mafumahali ea lefatše e amoheloang, e bileng e lumellehang ho ABC/KOBO-TATA;
- e) Ho hlokomela polokeho ea baeti ba ABC/KOBO-TATA;
- f) Ho thusa ka mekhoha le tsela tse fapaneng pokello ea lichelete tsa ABC/KOBO-TATA.
- g) Ho bokella botho;

- h) Ho tlatsa likheo tse ka hlahang Komiting ea Naha ea Mafumahali ka hare ho nako ea tšebetso, ka ho khethela setho se litokelong, sa Mofumahali, ho tlatsa sekheo se joalo Komiting ea Naha ea Mafumahali. Komiti e tla lokela ho hlalosa mabaka a likheo tse joalo, ho Komiti ea Naha, pele e ka li tlatsa. Likheo li tlatsoe ho ipapisitsoe le lipheho tsa temana ea C. 2. ea Molao oa Motheo oa ABC/KOBO-TATA;
- i) Setho sa Komiti ea Naha ea Mafumahali se tla ba sieo liphuthehong, tsa Komiti, tse tharo ka tatellano, ntle ho mabaka, se sa itlaleha, setho se joalo se tla felloa ke botho Komiting;
- j) Komiti ea Naha ea Mafumahali e tla sebetsa tlasa kaloso le tataiso ea Komiti ea Naha ea ABC/KOBO-TATA;

### 3. MESEBETSI EA KOMITI EA NAHA EA BACHA

- a) Ho kopanya tšebetso le merero ea lihlopha tse fapakaneng tsa Bacha ba Basotho;
- b) Ho tsekella kopano ea Bacha ba Lesotho le ba Afrika ka kakaretso, e ka sitana le ba linaha tse ling tse nang le setsoalle le Lesotho;
- c) Ho loantšha le ho felisa khatello ea motho ho motho e mong;
- d) Ho matlafatsa le ho holisa tsebo le maikutlo a sechaba le a bonngoe har'a Bacha ba Lesotho esita le Afrika eohle;
- e) Ho susumeletsa pontšeng le ho sireletsa boleng ba bo-Afrika;
- f) Ho hlopha, ho holisa le ho ntšetsa pele Sesotho, Bosotho e ka sitana le bo-Afrika ka kakaretso;
- g) Ho boulella moruo, mekhoha le meetlo ea Basotho;
- h) Ho fumana litsela le mekhoha ea ho phethahatsa sepheo le merero ena e boletsoeng ka holimo;
- i) Ho bokella botho;
- j) Ho tlatsa likheo tse ka hlahang Komiting ea Naha ea Bacha ka hare ho nako ea tšebetso, ka ho khethela setho se litokelong, le lilemong tsa bocha tse hlalositsoeng (18-35), ho tlatsa sekheo se joalo Komiting ea Naha ea Bacha. Komiti e tla lokela ho hlalosa mabaka a likheo tse joalo, ho Komiti ea Naha, pele e ka li tlatsa. Likheo li tlatsoe ho ipapisitsoe le lipheho tsa temana ea C.3. ea Molao oa Motheo oa ABC/KOBO-TATA;
- k) Setho sa Komiti ea Naha ea Bacha se tla ba sieo liphuthehong, tsa Komiti, tse tharo ka tatellano, ntle ho mabaka, se sa itlaleha, setho se joalo se tla felloa ke botho Komiting;

- l) Komiti ea Naha ea Bacha e tla sebetsa tlasa kaloso le tataiso ea Komiti ea Naha ea ABC/KOBO-TATA.

#### 4. MESEBETSI EA KOMITI EA KHOKAHANYO EA NTLAFATSO EA SETEREKE

- a) E tla ikhethela Molula-Setulo kapa Motsamaisi oa Lipuisano ea tla e emela Komiting ea Naha. Lipuisano tsona li tla ngoloa ke mohlanka ea hiriloeng;
- b) E tla sebetsa e le mohokahanyi litabeng tsa Mabatooa le Komiti ea Naha ntlafatsong;
- c) Hang ha Komiti ea Naha e tsoa kopana, bona ba tla tlaleha tseo ho lumellanoeng ka tsona boemong ba Setereke, ba tlalehele Mabatooa a ha bo bona (setho ka seng) le Komiting ea Lebatooa;
- d) E tla kopana le Komiti ea Naha ka litokiso tse tla etsoa;
- e) Komiti ea Lebatooa e tla nka manane le mathathamo a tšebetso Seterekeng ntle ho linyeoe feela;
- f) Setho sa Komiti ea Khokahanyo ea Ntlafatso ea Setereke, se tla ba sieo liphutsehong, tsa Komiti, tse tharo ka tatellano, ntle ho mabaka, se sa itlaleha, setho se joalo se tla feloa ke botho Komiting;
- g) E tla lula e fetoha joalo ka tsa Mabatooa le tsa Makala ho latela khetho e ncha Mabatoeng.

#### 5. MESEBETSI EA KOMITI EA BOITŠOARO

- a) Ho imamella sello kapa liqoso (boipiletso) tsa litho ka bonngoe le ba Likomiti tsa Mabatooa, kamor'a ho fua monyetla oa ho itlhalosa ho Komiti ea Naha;
- b) Ho khothaletsa ho Komiti ea Naha ho behelloa ka thoko kapa tebelo ea setho se furalletseng tšebetso le takatso tsa ABC/KOBO-TATA, ha e fumana setho se joalo se le molato;
- c) Ho khothaletsa ho Komiti ea Naha ho behelloa ka thoko kapa pheliso ea Komiti ea Lebatooa le ea Lekala e sa saleng morao tšebetso ea Lekhotla, kapa litho tse nyelisang liqeto, kapa boetapele ba Komiti ea Naha;

**TEMOSO:** Boipiletso ho tloha Komiting ea Seboka sa Selemo, e tla beng e sebelisitsoe ho latela tlaleho ea Komiti ea Boitšoaro le Komiti ea Naha, bo tlafetela Sebokeng sa Selemo sa ABC/KOBO-TATA Sebokeng se ka pele.

- d) Setho se fe kapa se fe se tla ikemela e le Mokhothaletsua, e ka ba Likhethong tsa Lekhotla la ketsa-melao (Paramente) kapa la Puso ea Libaka, setho se joalo se tla nkuoa se itšoere hampe 'me se tla felloa le litokelo tsa botho Lekhotleng. Ke boikarabelo ba Mabatooa ho tlaleha, ka pele pele, batho ba joalo, ho Komiti ea Naha;
- e) Litho li leke ka litsela tsohle ho rarollela mathata a tsona ka har'a mathathamo (party structures) a ABC/KOBO-TATA. Setho se fe kapa se fe kapa sehlopha sa litho, se tla qosa Makhotleng a Molao pele li feta methati eohle e lokolisitsoeng tlas'a temana ea O., ea Molao oa Motheo oa ABC/KOBOTATA, litho tse joalo li tla nkuoa li itšoere hampe 'me li tla felloa ke litokelo tsa botho Lekhotleng ;
- f) Moetapele oa ABC/KOBO-TATA o tla ba le matla a ho behella ka thoko setho se fe kapa se fe sa Komiti ea Naha seo tšebetso kapa boitšoaro ba sona bo sa khotsofatseng. Pehelo ka thoko eo e emele ho tiisoa kapa ho etsolloa ke Komiti ea Naha;
- g) Moo boitšoaro ba litho kapa setho bo behang ABC/KOBO-TATA tsietsing, 'me Likomiti tse amehang li sa nkeng bohato, Moetapele o tla sebelisa matla a hae ho sireletsa ABC/KOBO-TATA;
- h) Lekhotla la ABC/KOBO-TATA le tla ba le Melaoana ea Boitšoaro (Code of Conduct).

## 6. MESEBETSI EA KOMITI EA LEBATOOA

- a) Ho khothaletsa batho ho kena ABC/KOBO-TATA;
- b) Ho rekisa kapa ho qhalakanya lipampiri le libukana tsa ABC/KOBO-TATA;
- c) Ho bopa Makala Lebatooeng;
- d) Ho kopanya le ho hlahloba tšebetso ea Makala a Lebatooa;
- e) Ho hokahanya metse e bopang Lekala molemomg oa pokello ea botho e ka sitana le litlhoko tsa botho bo joalo;
- f) Ho thusa ho ntšetsa pele tšebetso le merero ea ABC/KOBO-TATA, 'moho lelitaelo le likhothaletso tse tsoang Komiting ea Naha ea ABC/KOBO-TATA;
- g) Ho nehelana ka litlaleho holim'a boemo ba lichelete tsa Lebatooa, sebokeng sa Lebatooa le ho Komiti ea Naha;
- h) Ho hlalisa mabitso a Bakhothaletsua ba Mabatooa lekhotleng la ketsa-melao le ba Mabatooaana a Puso ea Libaka. Mokhothaletsua e be setho se tšepahalang 'me se khoeli li 36 bonyane se le Lekhotleng;



- i) Setho se fe kapa se fe sa Komiti ea Lebatooa se tla phahamisoa, Makaleng, e le Mokhothaletsua oa Likhetho tse akaretsang tsa Naha kapa tsa Puso ea Libaka, se tla emella ka thoko ho Komiti e joalo, nakoana, ho fihlela mosebetsi oo oa phahamiso ea Bokhothaletsua o phethetsoe;
- j) Ho kenya letsoho boitekong bo fe kapa bo fe bo atlehisang le ho ntšetsa pele mosebetsi oa ABC/KOBO-TATA Lebatooeng;
- k) Ho khothaletsa Komiting ea Naha pheliso ea Lekala;
- l) Ho khothaletsa Komiting ea Naha tebelo ea setho Lekhotleng;
- m) Ho lisa Likomiti tsa Makala, le ho etsa bonnete hore Likomiti tseo li phetha mosebetsi hantle;
- n) Ho bona hore Makala ha a kopane ntle ho Komiti ea Lebatooa;
- m) Ho tlatsa likheo tse ka hlahang Komiting ea Lebatooa ka hare ho nako ea tšebetso, ka ho khethela setho se litokelong, ho tlatsa sekheo se joalo Komiting ea Lebatooa. Komiti e tla lokela ho hlalosa mabaka a likheo tse joalo, ho Komiti ea Naha, pele e ka li tlatsa. Likheo li tlatsoe ho ipapisitsoe le liphelelo tsa temana ea C. 4. ea Molao oa Motheo oa ABC/KOBO-TATA;
- n) Setho sa Komiti ea Lebatooa se tla ba sieo liphutsehong, tsa Komiti, tse tharo ka tatellano, ntle ho mabaka, se sa itlaleha, setho se joalo se tla felloa ke botho Komiting.
- o) Likomiti tsa Mabatooa li tla sebetsa tlasa kaloso le tataiso ea Komiti ea Naha ea ABC/KOBO-TATA.

## 7. MESEBETSI EA KOMITI EA LEKALA

- a) Ho bokella botho le ho boloka lirekoto tsa botho bo joalo. Komiti ea Lekala e fetisese kapele, nako le nako, liforomo tsa kopo ea botho kapa tsa nchafatso, le seabo se lokelang, ho Komiti ea Lebatooa;
- b) Ho nehelana ka rasiti e le bopaki ba ho ntša seabo sa kopo ea ho ba setho kapa kopo ea nchafatso ea botho, 'me tsena li etsoe ho ipapisitsoe le temana ea C. 6. ea Molao oa Motheo oa ABC/KOBO-TATA;
- c) Ho bokella metse e bopang Lekala, le ho hlahloba se labalabeloang ke baahi ba metse eo le ho fana ka litlaleho ka bophelo ba letsatsi ka letsatsi ba baahi ba joalo;
- d) Ho lula e fana ka litlaleho ho Komiti ea Lebatooa ka litaba tsa a) le c) ka holimo;
- e) Ho tlatsa likheo tse ka hlahang Komiting ea Lekala ka hare ho nako ea

tšebetso, ka ho khethela setho se litokelong, ho tlatsa sekheo se joalo Komiting ea Lekala. Komiti e tla lokela ho hlalosa mabaka a likheo tse joalo, ho Komiti ea Lebatooa, pele e ka li tlatsa. Likheo li tlatsoe ho ipapisitsoe le liphelelo tsa temana ea C. 5. ea Molao oa Motheo oa ABC/KOBO-TATA ;

- f) Setho sa Komiti ea Lekala se tla ba sieo liphuthehong, tsa Komiti, tse tharo ka tatellano, ntle ho mabaka, se sa itlaleha, setho se joalo se tla felloa ke botho Komiting;
- g) Setho se fe kapa se fe sa Komiti ea Lekala se tla phahamisoa, Makaleng, e le Mokhothaletsua oa Likhetho tse akaretsang tsa Naha kapa tsa Puso ea Libaka, se tla emella ka thoko ho Komiti e joalo, nakoana, ho fihlela mosebetsi oo oa phahamiso ea Bokhothaletsua o phethetsoe
- h) Molula-Setulo, Mongoli le Ramatlotlo ba tla alosa le ho sireletsa maano a ABC/KOBO-TATA;
- i) Likomiti tsa Makala li tla sebetsa tlasa kaloso le tataiso ea Likomiti tsa Mabatooa tsa ABC/KOBO-TATA.

## 8. KOMITI EA LEKHOTLA EA PARAMENTE (PARLIAMENTARY CAUCUS)

- a) Ho tla ba le Komiti ea Lekhotla la ketsa-melao (Paramente) eo litho tsa eona e tlang ho ba:
  - i. Litho tsohle tsa ABC/KOBO-TATA tse Lekhotleng la ketsa-melao (Paramente);
  - ii. Litho tse tla khethoa ke Komiti ea Naha, tse tla emela Bacha, Mafumahali le Mekhatlo e meng e amohetsoeng Lekhotleng.
- b) Komiti ea Paramente (Caucus), e tla ba tlas'a taolo le kaloso ea Moetapele oa ABC/KOBO-TATA, kapa Motlatsi oa hae ha eena a le sieo;
- c) Moetapele oa ABC/KOBO-TATA o tla khetha Molula-Setulo le Mongoli oa Komiti ea Paramente;
- d) E tla ba tlameho ea Moetapele ho supa tsela tabeng e fe kapa e fe e behiloeng ka pele ho Paramente. Komiti eohle ea Paramente e tla buisana ka likhothaletso tsa Moetapele, 'me liqeto tse fihleloang li tla tlama litho tsohle tsa ABC/KOBO-TATA tse ka Paramenteng, e le ho lilatela le ho li tšehetsa;
- e) Moetapele o tla tlalehela Komiti ea Naha le Komiti ea eona ea Tšebetso, boiteko le boitšoarō ka kakaretso ba litho tsa ABC/KOBO-TATA ka Paramenteng;
- f) Ha ho na setho sa Paramente se tla emela mekhatlo ka ntle le ka hare

ho naha, kapa liphuthehong, ka ntle ho tumello ea Moetapele, boeletsing ba Komiti ea Naha;

- g) Litho tsa Paramente, le tsa Puso ea Libaka, li tla tšehetsa ABC/KOBO-TATA ka seabo sa lichelete tseo ho tlang ho lumellanoa ka tsona ke Komiti ea Naha. Litho tsena, li tla tekena foromo ea boitlamo ba ho phethahatsa tse lumellanoeng ka holimo.

## C. BOTHO LIKOMITING TSA ABC/KOBO-TATA

### 1. BOTHO KOMITING EA NAHA

- a) E be setho se ntšitseng seabo sa selemo seo;
- b) E be motho e kileng ea eba setho sa Komiti ea Lebatooa bonyane likhoeli tse 36;
- c) E be setho se tsebang Motheo, tšebetso le sepheo sa ABC/KOBO-TATA ka mokhoa o pharaletseng;
- d) E be setho se nang le matla le tsebo ea ho buella le ho sireletsa Motheo, tšebetso le sebopelo sa ABC/KOBO-TATA ka nepo neng le neng ha ho lokela;
- e) E be setho se kileng sa ba Komiting ea Naha 'me a sa tsoa hampe.

### 2. BOTHO KOMITING EA NAHA EA MAFUMAHALI

Lipallo tse laolang botho Komiting ea Naha (C. 1. ka holimo) li tla sebelisoa Komiting ea Naha ea Mafumahali, ha e se hore mona litho e tla ba Mafumahali feela.

### 3. BOTHO KOMITING EA NAHA EA BACHA

Lipallo tse laolang botho Komiting ea Naha (C. 1. ka holimo) li tla sebelisoa Komiting ea Naha ea Bacha, ha e se hore mona litho e tla ba Bacha. Mocha e tla ba setho se lipakeng tsa lilemo tse leshome le metso e robeli (18) le tse mashome a mararo a metso e mehlano (35).

### 4. BOTHO KOMITING EA LEBATOOA

- a) E be setho se ntšitseng seabo sa selemo seo;
- b) E be motho e kileng ea eba setho Komiting ea Lekala bonyane likhoeli

tse 24, 'me a ena le boemo bo bottle boitšoaronng;

- c) E be setho se tsebang Motheo, tšebetso le sepheo sa ABC/KOBO-TATA ka mokhoa o pharaletseng;
- d) E be setho se kentseng bonyane litho tse 30 tse ncha Lebatooeng la habo;
- e) E be setho se kileng sa ba Komiting ea Lebatooa 'me se sa tsoa hampe.

## 5. BOTHO KOMITING EA LEKALA

- a) E be setho se ntšitseng seabo sa selemo seo;
- b) E be setho se kentseng bonyane litho tse 20 tse ncha Lekaleng la habo;
- c) E be setho se tsebang Motheo oa ABC/KOBO-TATA
- d) E be setho se kileng sa ba Komiting ea Lekala 'me se sa tsoa hampe.

## 6. METHATI EA KOPO LE NCHAFATSO EA BOTHO LEKHOTLENG LA ABC/KOBO-TATA

### a) Kopo:

- i. Motho a ka etsa kopo ea botho ba Lekhotla la ABC/KOBO-TATA Lekaleng, Lebatooeng le kae kapa ka likopanong tsa Lekhotla, ka ho tlatsa foromo ea kopo, 'me ho lateloe temana ea B. 7. a) le b) ea Molao oa Motheo oa ABC/KOBO-TATA;
- ii. Foromo, e tlatsitsoeng, ea kopo ea botho, ha e fihla Komiting ea Leba tooa, Komiti e tla e fetisetsa Ntlo-Kholo moo Komiti ea Naha e tla sebetsa kopo eo ea botho, e ipapisitse le temana ea B. 1. h) ea Molao oa Motheo oa ABC/KOBO-TATA;
- iii. Ha kopo e joalo e amohetsoe, Ntlo-Kholo e tla ntša karete ea botho, e ngotsoeng mabitso le boithaloso ba mokopi, e tekenetsoeng ke Mongoli- Kakaretso. Karete e tla latoa ke Mongoli oa Komiti ea Leba tooa, ea tla e tekena, le eena, a ntan'oe e fetisetsa ho Komiti ea Lekala ho e fa setho
- iv. Moo kopo ea botho e hanoeng, Komiti ea Naha, e tla tsebisa Komiti ea Lebatooa, ka mongolo, Lebatooa le tsebise Lekala, 'me lona le tsebise motho ea joalo.

### b) Nchafatso:

- i. Kopo ea nchafatso ea botho e tla etsahala lipakeng tsa la 01 Mphal

ane le la 31 Tšitoe. Setho se sa chanfatsang nakong ena se tla tlameha ho qala fatše ka ho kopa botho bocha;

- ii. Setho se ka etsa kopo ea nchafatso ea botho ba Lekhotla la ABC/KOBO-TATA Lekaleng kapa Lebatooeng la habo, ho lateloa temana ea B. 7. a) le b) ea Molao oa Motheo oa ABC/KOBO-TATA;
- iii. Foromo, e tlatsitsoeng e bile e ngotsoe nomoro ea karete ea botho, ea kopo ea nchafatso ea botho, ha e fihla Komiting ea Lebatooa, Komiti e tla e fetisetša Ntlo-Kholo moo Komiti ea Naha e tla sebetsa kopo eo ea nchafatso ea botho, e ipapisitse le temana ea B. 1. h) ea Molao oa Motheo oa ABC/KOBO-TATA;
- iv. Ha kopo e joalo e amohetsoe, Mongoli-Kakaretso, lebitsong la Komiti ea Naha, o tla ngolla Komiti ea Lebatooa, 'Mongoli oa Komiti ea Lebatooa o tla tlatsa selemo, seabo, le ho tekena, karete, ea setho seo. Mongoli a se tlatsa karete eo ea botho pele ho tiiso ea nchafatso ea botho ho tsoa ho Komiti ea Naha Ntlo-Kholo
- v. Moo kopo ea nchafatso ea botho e hanoeng, Komiti ea Naha, e tla tsebisa Komiti ea Lebatooa, ka mongolo, Lebatooa le tsebise Lekala, 'me lona le tsebise motho ea joalo, le be le nke karete eo ea botho ho motho ea joalo.

#### D. MOHOO OA ABC/KOBO-TATA

Ho tla ba le Mohoo oo ho tla lumellanoa ka oona 'me o tsoe nako le nako ha ho uoa likhethong tsa Naha le tsa Puso ea Libaka.

#### E. SEBOPEHO SA SEBOKA SA NAHA SA SELEMO

- a) Seboka sa Naha sa Selemo se tla kenoa ke Boromuoa fela;
- b) Litho le boemeli ba Lebatooa Sebokeng sa Naha bo tsoang Komiting ea Naha le libokeng tsa Mabatooa bo tla ema tjena:
  - i. Litho tsohle tsa Komiti ea Naha;
  - ii. Litho tsa Paramente le tsa Puso ea Libaka tsa ABC/KOBO-TATA;
  - iii. Molula-Setulo, Mongoli le Ramatlotlo ba Lebatooa le leng le le leng;
  - iv. Baromuoa ba Seboka sa ABC/KOBO-TATA, ba Lebatooa, ba tla khethoa ba le boemeling ba batho ba leshome (10);
  - v. Likomiti tsa Naha tsa Mafumahali le Bacha, li tla emeloa ke litho tse tharo Komiti ka ngoe, Sebokeng sa Naha sa Selemo. Boemeli bona bo tla khethoa sebokeng sa Mafumahali le sebokeng sa Bacha;

- vi. Setho se le seng mekhatlong e nkileng botho Lekhotleng:
- vii. Litho tsa Lekhotla tse ka bonngoe (bolebelli) li tla lumelloa ho kena liphuthehong tsa Seboka sa Naha sa Selemo, le hona ho ba le lipuo Sebokeng, empa li ke ke tsa eba le tokelo ea ho vouta. Ho ka 'na ha eba le liphutheho tseo bolebelli le baeti ba ke keng ba kena (closed sessions);
- viii. Sechaba sa batho bao e seng litho tsa ABC/KOBO-TATA, se ka'na salu melloa ho kena liphuthehong tse bitselisoeng sechaba. Molula-Setulo a ka leleka motho kapa batho ba senyang tšebetso ea Seboka;
- ix. Molula-Setulo oa Seboka sa Naha o tla ba le voutu ea makhaola-khang 'moho le voutu ea botho ba hae. Moo ho nang le tlamahano ea livoutu khethong ea litho tsa Komiti ea Naha, a ke ke a sebelisa voutu ea makhaola-khang hang hang, o tla lokela ho voutisa hararo (3). Haeba livoutu kamorao ho ho voutisa hararo li ntse li lekana, Molula-Setulo oa Seboka sa Naha o tla tlameha ho sebelisa ea hae ea makhaola khang ho fihlisa Seboka qetong.

#### F. SEBOPEHO SA SEBOKA SA NAHA SA MAFUMAHALI

Sebopeho sa Seboka sa Naha sa Mafumahali se tla tšoana le Seboka sa Naha sa selemo.

#### G. SEBOPEHO SA SEBOKA SA NAHA SA BACHA

Sebopeho sa Seboka sa Naha sa Bacha se tla tšoana le Seboka sa Naha sa selemo.

#### H. SEBOPEHO SA SEBOKA SA LEBATOOA

Seboka sa Lebatooa se tla ema ka boromuoa ba bonyane Makala a et sang karolo ea mashome a mahlano lekholong (50%) ea Makala a bopang Lebatooa, 'me botla boptjoa ka mokhoa ona:

- a) Litho tsohle tsa Komiti ea Naha tse teng ka har'a Lebatooa leo;
- b) Litho tsohle tsa Lekhotla la Paramente le tsa Puso ea Libaka tseo e leng tsa Lebatooa leo;
- c) Litho tsohle tsa Komiti ea Lebatooa leo
- d) Molula-Setulo, Mongoli le Ramatlotlo ba Lekala le leng le le leng la Lebatooa leo;
- e) Boemeli Makaleng e tla ba leshome (10) ea litho tsa Makala ao, tse

ngolisitsoe Lebatoeng 'me tse ntseng li eme hantle litokelong tsa tsona tsa botho selemong sona seo.

## **I. SEBOPEHO SA SEBOKA SA MABATOOA A KANTLE HO NAHA**

Sebopeho sa Seboka sa Mabatooa a kantle ho naha se tla tšoana le sa (H) ka holimo.

### **I. SEBOPEHO SA SEBOKA SA LEKALA**

Seboka sa Lekala se tla thehoa ka litho tsohle tsa ABC/KOBO-TATA tse metseng e entseng Lekala leo.

#### **I.1 SEBOPEHO SA SEBOKA SA MAKALA A KANTLE HO NAHA**

Sebopeho sa Seboka sa Makala a kantle ho naha se tla tšoana le sa (I) ka holimo.

## **J. SEBOPEHO SA SEBOKA SA NAHA SA SELEMO**

- a)** Seboka sa Naha sa Selemo sa ABC/KOBO-TATA se tla kopana hang ka Pherekhong. Letsatsi le sebaka tsa Seboka li tla khethoa ke Komiti ea Naha (National Executive Committee);
- b)** Litsebiso tsa memo ea Seboka li lokela ho fihla ho bangoli ba Mabatooa bonyane khoeli pele ho letsatsi le khethetsoeng Seboka;
- c)** Seboka sa Naha sa Selemo (sa boitlhatlhobo ka bophelo ba ABC/KOBO-TATA) se tla tšoarelola libakeng tse fapaneng ka hare ho naha, feela seboka sa hoqetela pele ho likhetho tse akaretsang tsa naha sona se tla tšoarelola Maseru ;
- d)** Seboka sa tšohanyetso, se khethehileng sa ABC/KOBO-TATA, se ka 'na sa bitsoa, ha feela Komiti ea Naha e fumana ho lokela, kapa ho latela kopo e ka lebisang ho Komiti ea Naha ka Mongoli-Kakaretso oa ABC/KOBO-TATA. E le ha kopo e joalo e tlameha ho fihla ho Bangoli ba Mabatooa bonyane matsatsi a supileng (7) pele ho letsatsi leo Seboka se joalo sa tšohanyetso, kapa se khethehileng, se lokiselitsoeng ho lula ka lona.

## 1. MATLA LE MESEBETSI EA SEBOKA SA NAHA SA SELEMO

- a) Ho manolla tšebetso le merero ea ABC/KOBO-TATA ea selemo se secha, moho le liqeto le litumellano, le tsona likhothaletso tse hlahang methating e fapakaneng ea ABC/KOBO-TATA;
- b) Liqeto tsohle tse entsoeng Sebokeng sa Naha sa Selemo sa ABC/KOBOTATA li tla tlama litho tsohle, Likomiti tsohle le Makala oohle a ABC/KOBO-TATA. Ho sitoa ho phethahatsa liqeto tsena ka boomo, ho ka 'na ha etsa hore setho kapa sehlopha se joalo se nkeloe bohato bo ka 'nang ba isa setho seo kapa sehlopha seo tebelong Lekhotleng;
- c) Ho mamela le ho imamella litlaleho tsa Mabatooa, li hlaha ka Bangoli kapa baemeli ba Mabatooa;
- d) Ho imamella tlaleho ea Mongoli-Kakaretso le Ramatlotlo-Kakaretso e hlahlobiloeng ke setsebi sa lichelete;
- e) Ho mamela le ho buisana ka puo ea Moetapele oa ABC/KOBO-TATA, le tsa ba ka memeloang ho bula Seboka sa ABC/KOBO-TATA kapa ho fana ka puo sebokeng seo;
- f) Ho imamella lithahiso tsa Mabatooa;
- g) Ho sebetsana le litaba li fe kapa li fe tsa ABC/KOBO-TATA kapa tsa sechaba tse ka behoang ka pele ho Seboka sa Naha sa Selemo;
- h) Ho khetha Moetapele oa ABC/KOBO-TATA ka mor'a lilemo tse hlano.

## 2. MATLA LE MESEBETSI EA SEBOKA SA ABC/KOBO-TATA SA LEBATOOA

### Lebatooa le tla ba le litokelo tsena:

- a) Ho beha le ho hlopha tšebetso le merero ea Lebatooa ea selemo. Tihokomelo e kholo e le teng ea hore tšebetso le merero ha li thulane le tšebetso le merero e seng e phatlalalitsoe ea Lekhotla e ka holimo. Le hona e be tse ntšetsang pele sepheo le merero ea ABC/KOBO-TATA;
- b) Bonyane habeli ka selemo, Likomiti tsa Mabatooa li tla tšoara Liboka:
  - i. Sa pele ka pele pele ka mor'a Seboka sa Naha sa Selemo ho tlalehela Mabatooa. Se tla etsa le likhetho tsa Komiti ea Lebatooa selemong seo likomiti li felloang ke nako, kamor'a lilemo tse tharo (3);
  - ii. Sa bobeli se tla lula qetellong ea khoeli ea Mphalane le ho hlahloba mosebetsi oa ABC/KOBO-TATA oa selemo;
  - iii. Ho hlopha Bokhothaletsuo bo eang Komiting ea Naha.
- c) Ho mamela le ho imamella litlaleho tsa Mongoli oa Lebatooa, Ramatlotlo



- oa Lebatooa le litlaleho tsa Bangoli ba Makala;
- d) Ho mamela le ho imamella litlaleho tsa Molula-Setulo oa Lebatooa, le ho eletsa le ho khothaletsa se lokelang ho etsoa malebana le litaba tse amang Lebatooa, seo feela e leng se builoeng kapa se tlang ho buoa ke Seboka sa Lebatooa;
  - e) Ho fetisa liqeto tse fetelang ho Seboka sa Naha sa Selemo, le ho khetha boromuoa bo eang Sebokeng sa Naha sa Selemo;
  - f) Ho ema ka maoto ho kenya botho Lekhotleng le ho hasa lentsoe le merero ea ABC/KOBO-TATA sechabeng ka kakaretso. Ho holisa, le ha e le hona ho tumisa ABC/KOBO-TATA sechabeng, Lebatooeng ka ho rekisa pampiri ea ABC/KOBO-TATA le ka liphutheho.

### 3. MATLA LE MESEBETSI EA LEKALA EA ABC/KOBO-TATA

- a) Lekala le leng le le leng le tla nšetsa pele mesebetsi ea Lebatooa e qaqisitsong karolong ea 2. ka holimo le temana tsa eona mona ka tlase;
- b) Lekala le leng le le leng le tla alosa litakatso tsohle tsa sechaba le tsa ABC/KOBO-TATA tikelohong ea lona ho tlaleha ka pele liketsahalo Makaleng tse hloakang boitšoarō, kapa likhopiso tse ling tse ka tlontlōlang le ho senya botumo bohle ba ABC/KOBO-TATA. Tlaleho e tla lebisoa ho Lebatooa, lona le tle le e fetisetse ofising ea Naha;
- c) Lekala le leng le le leng le tla ba le moemeli motseng o mong le o mong o thehileng Lekala leo;
- d) Lekala le tla phetha mesebetsi ho latela khetho ea setho ka seng Komiting.

### K. LITŠIEA TSA ABC/KOBO-TATA

Ho tla ba le litšiea tsa ABC/KOBO-TATA ho latela makhabane le mesebetsi ea bona ea nako e telele ka har'a ABC/KOBO-TATA. Mothehi le moqapi oa ABC/KOBO-TATA o tla fuaa tlotla ea ho bitsoa Moetapele ho isa lefung (Life President), moo bohle ba tsamaisong ba tla 'ne ba kopanele maikutlo le eena ha ho hlokahala..

### L. LIPHETOHO MOTHEONG OA TŠEBETSO

- a) Motheo ona kapa karolo e fe kapa e fe ea ona, ke ka 'na ea fetoloa, kapa ea behelloa ka thoko le ha e le hona ho hlopshoa ka tsela e fe

kapa e fe, e le ha feela phetoho e joalo e ka vouteloa ke karolo ea bobeli borarong (2/3) ea litho tsa baemeli ba teng moo;

- b) Likhothaletso tsa ho fetola Motheo oa tšebetso li tla tlameha ho romelloa ho Mongoli-Kakaretso, bonyane khoeli tse peli pele ho letsatsi le khethetsoeng Seboka e le hore li tle li kene lenaneng la lipuisano;
- c) Litsebiso tsa likhothaletso tse joalo, 'moho le lenane la lipuisano, li tla romelloa, ka mangolo, Mabatoeng ohle a ABC/KOBO-TATA, 'me li fihle ho oona bonyane matsatsi a mashome a mararo pele ho Seboka;
- d) Likhothaletso tse joalo li amoheloa feela ha li hlaha Mabatoeng a ABC/KOBO-TATA kapa li hlaha Komiting ea Naha. Ke hona li ka hlahang lenaneng la ipuisano tsa Seboka 'me li tla romeloa ho latela temana ea b) le c) ka holimo.

#### M. BOEMELI LIBOKENG TSA ABC/KOBO-TATA

- a) Seboka sa Lekala: Ke sa metse e khethetseng 'moho likhethong tsa ho qetela tsa sechaba kapa sa metse e ka hlophuoang ke Komiti ea Naha. Liboka tsa Makala li tla ahoa ka baahi ba metse eo ho latela a) ka holimo.

##### **Boemo ba boemeli e be bona:**

- i. E be litho tsa Lekhotla ho latela temana ea C. 5. a) ka holimo;
- ii. E be litho tsohle tsa Komiti ea Lekala;
- iii. E se ke ea eba motho ea beheletsoeng ka thoko ho ABC/KOBO-TATA nakoana kapa eo boitšoaato ba hae Lekhotleng bo ntseng bo le tlas'a tlhatlhobo Lebatooeng kapa Komiting ea Boitšoaaro le ea Naha.

##### **b) Seboka sa Lebatooa:**

Liboka tsa Mabatooa li tla ahoa ka boemeli ba Makala bo tla be bo tlamahantsoe ka qeto ea Seboka sa Lekala.

##### **Boemo ba Boemeli e be bona:**

- i. A be a phethile boitlamo ba C. 4. a), b) le d) ka holimo;
- ii. A be le tsebo ea Motheo oa Lekhotla;
- iii. E be Molula-Setulo, Mongoli le Ramatlotlo oa Lekala la Lebatooa leo;
- iv. Ha ho lekala le tla emeloa Sebokeng sa Naha sa Selemo le ne le le sieo Sebokeng sa Lebatooa;
- v. E se ke ea eba motho ea beheletsoeng ka thoko ho ABC/KOBO-TATA nakoana kapa eo boitšoaato ba hae Lekhotleng no ntseng bo le tlas'a tlhatlhobo Lebatooeng kapa Komiting ea Boitšoaaro le ea Naha.

**c) Seboka sa Naha sa Selemo:**

Liboka tsa Naha tsa ABC/KOBO-TATA li tla ahoa ka boemeli ba Mabatooa bo hlahang bo bile bo amohetsoe ke Makala. Kamorao ho khetho Lebatooeng, ba etsetsoa qeto ke ke Seboka sa Selemo sa Lebatooa ho ba tlamahanya e le baemeli ba Lebatooa leo.

**Boemo ba boemeli e be bona:**

- i. E be setho se tšepahalang 'me se khoeli li 36 bonyane se le Lekhotleng;
- ii. A be a se a ile a lefa seabo sa selemo ka la kapa pele ho letsatsi la la 31 Tšitoe;
- iii. E be feela bao mabitso a bona a boemeli a behiloeng ka pele ho Mongoli-Kakaretso oa ABC/KOBO-TATA pele kapa ka la 31 Mphalane ho latela ii. ka holimo;
- iv. A be le tsebo e tletseng ea Motheo, tsamaiso le sebopeho sa ABC/KOBO-TATA;
- v. E se ke ea eba motho ea beheletsoeng ka thoko ho ABC/KOBO-TATA nakoana kapa eo boitšoato ba hae Lekhotleng no ntseng bo le tlas'a tlhatlhubo Lebatooeng kapa Komiting ea Boitšoaro le ea Naha.

**N. MOKHOA OA HO VOUTA**

- a) Ba tla ba le matla a ho vouta libokeng tsa ABC/KOBO-TATA e tla ba ba amohetsoeng libokeng tsena tlas'a temana ea M ka holimo ka likaro loana tsa eona;
- b) Liqeto tse etsoang qetellong ea lipuisano li tla vouteloa ka matsoho, 'me lehlakore la matsoho a mangata le tla lateloa ke Komiti kapa Seboka se lutseng e le qeto kapa maikutlo a sona;
- c) Litho tsa Likomoti tsa ABC/KOBO-TATA, ea Naha, ea Mafumahali, ea Bacha, tsa Mabatooa le tsa Makala li tla vouteloa ka lekunutu.

**O. HO KHAOLA LIKHANG (DISPUTES)**

**Tharollo ea likhang Lekhotleng e tla sebetsoa ke:**

- a) Komiti ea Lekala. Ha ho se na tharollo li tla fetela:
- b) Komiting ea Lebatooa. Ha ho se na tharollo li tla fetela:
- c) Komiting ea Naha, 'me Komiti ea Naha e laele Komiti ea Tharollo ea Likhohlano le Likhang ho e sebetsoa,'me e be e fane ka tlaleho e nang le likhothaletso, ho Komiti ea Naha . Ha ho se na tharollo li tla fetela:

- d) Sebokeng sa Naha sa Selemo sa ABC/KOBO-TATA, 'me qeto e tla etsoa ke Seboka, e tla tlama setho se fe kapa se fe se amehang khanng.

## P. KHETHO EA LIKOMITI TSA ABC/KOBO-TATA

- a) Komiti ea Naha e tla khethoa hang ka mor'a lilemo tse hlano (5);  
b) Likomiti tsa Naha tsa Mafumahali le Bacha, li tla khethoa hang ka mor'a lilemo tse tharo (3);  
c) Likomiti tsa Mabatooa le tsa Makala li tla khethoa hang ka mor'a lilemo tse tharo (3);  
d) Likomiti tsa Mabatooa tsa Mafumahali le Bacha, li tla khethoa hang kamor'a lilemo tse tharo (3).

## Q. KHETHO EA BOROMUOA BO EANG LIBOKENG TSA ABC/KOBOTATA

### 1. BOROMUOA

- a) Moromuoa e mong le e mong o tla tlatsa foromo ea boromuoa ka letsoho la hae;  
b) Foromo li tla hlalosa moromuoa e mong le e mong ho mo fa boemo bo lebeletsoeng ho moromuoa e mong le e mong Sebokeng;  
c) Foromo li tla tlatsoa ka boraro: kopi tla leba Ofising ea Naha, e 'ngoe e lebe Lekaleng, e 'ngoe e sale Lebatooeng.

### 2. LIBOKA TSA NAHA TSA ABC/KOBO-TATA

- a) Seboka sa Naha sa Selemo sa ABC/KOBO-TATA, nako ea sona e tla ba Pherekhong;  
b) Seboka sa Naha sa Mafumahali, nako ea sona e tla ba 'Mesa;  
c) Seboka sa Naha sa Bacha, nako ea sona e tla ba Phato;  
d) Seboka sa Lebatooa sa tlhophelo ea Seboka sa Naha sa Selemo, se tla ba ka Mphalane.

## R. LICHELETE TSA ABC/KOBO-TATA

- a) Selemo sa libuka tsa lichelete sa ABC/KOBO-TATA se tla fela ka la 30 Loetse selemo le selemo. Tlaleho ea libuka tsa lichelete tse hlahlobi loeng, e be teng pele likhoeli tse tharo (3) li fela kamor'a ho koaloa ha

- libuka tsa lichelete;
- b)** Lichelete tsa ABC/KOBO-TATA li tla hlaha e le seabo sa ho kena ABC/KOBO-TATA, e leng seabo sa botho le sa “Mpate Sheleng”. E le lichelete tse hlahisoang ka tsela tse kang tsa likhonsarete, libaesekopo, tantši, limpho, meketjana kapa tse ka hlahang ka tsela e fe kapa e fe eo ABC/KOBOTATA e ka e ananelang;
  - c)** Lichelete tsohle tsa ABC/KOBO-TATA li tla bolokoa bankeng eo ho lumellanoeng ka eona;
  - d)** Ho tla buloa bukana ea banka (bank account), e khethehileng, moo lichelete tsa Lekhotla tsa ho iketela likhetho (Political Party Campaign Funding), tse hlahang molaong oa Likhetho tse Akaretsang tsa Naha, le lihlomathiso tsa ona (National Assembly Electoral Act, 2011, as amended), li tla kenngoa/tšelo teng;
  - e)** Litefo tsohle tse etsoang ke ABC/KOBO-TATA li tla etsoa ka licheke tse tla tlameha ho saenelo ke Molula-Setulo oa Komiti ea Naha (Moetapele) le ‘moloki oa matlotlo (lichelete) a Lekhotla (Ramatlotlo-Kakaretso) kapa le Mongoli-Kakaretso oa ABC/KOBO-TATA;
  - f)** Mongoli-Kakaretso o tla lumelloa ka cheletana e lumellanoeng ke Komiti ea Naha, ka nako. Tšebeliso ea chelete ena e tla lokela ho hlaloso hantle ka mongolo pele e ka ea eketsoa ho latela kopo;
  - g)** Licheke, li-postal le li-money order, li ngoloe li lefelo: “ALL BASOTHO CONVENTION”, ‘me li be li etsoe mela ea ho li tiisa. Litefo, ho hang, li se etsoe ka lebitso la setho sa ABC/KOBO-TATA, e leng Molula-Setulo, Mongoli-Kakaretso kapa Ramatlotlo-Kakaretso le ha e ka ba mang kapa mang;
  - h)** Ramatlotlo-Kakaretso o tla fana ka tlaleho, e ngotsoeng, ea boemo ba lichelete tsa Lekhotla, ea likhoeli tse ling le tse ling tse tharo (quarterly report) tsa selemo seo sa lichelete ho Komiti ea Naha;
  - i)** Libuka tsohle tsa ABC/KOBO-TATA li tla hlahlojoa le ho hlopchoa, pelenyana ho Seboka sa Naha sa Selemo. Li tla hlahlojoa ke setsebi sa libuka tsa lichelete seo kamehla e tlang ho ba setho sa ABC/KOBO-TATA feela se seng Komiting ea Naha.

## 1. LICHELETE TSA LEBATOOA

- a)** E tla ba tšoanelo ea Komiti ea Lebatooa ho bokella lichelete tse tla thusa ho ntšetsa pele mesebetsi ea ABC/KOBO-TATA;
- b)** Lichelete tsohle tsa ABC/KOBO-TATA li tla bolokoa bankeng e tsejoang, le ho amoheloa ke Komiti ea Naha;

- c) Litefo li tla etsoa ka licheke, tse tla saenoa ke Molula-Setulo le Ramatlotlo, Mongoli a saene ha Ramatlotlo a le sieo;
- d) Ramatlotlo o tla boloka libuka tsa lichelete, 'me o tla beha boemo ba lichelete tse hlophisitsoeng ka selemo le selemo Sebokeng sa Lebatooa sa selemo seo. Kopi ea boemo ba lichelete e tla romeloa ho Mongoli- Kakaretso ho beha ka pele ho Komiti ea Naha;
- e) Lebatooa le leng le le leng le tla ipopa le iketsetse chelete ho latela litemana tsa R ka holimo.

## 2. LICHELETE TSA LEKALA

- a) Lekala le leng le le leng le tla ba le cheletana ea lona eo e leng karoloana ea botho, e leng karolo ea mashome a mabeli lekholong (20%) ea seabo se lumellanoeng sa selemo seo;
- b) Lekala le leng le le leng le tla ipopa, le iketsetse chelete ho latela litemana tsa R le R1 ka holimo;

### TEMOSO: Boemo ba lichelete e tla ba bona:

- (a) Lekala le tla boloka karolo ea mashome a mabeli lekholong (20%) ea seabo sa botho
- (b) Lebatooa le tla boloka karolo ea mashome a mararo lekholong (30%) ea seabo sa botho
- (c) Komiti ea Naha e tla boloka karolo ea mashome a mahlano lekholong (50%) ea seabo sa botho

## S. BOHLAHLABI BA LICHELETE

Selemo le selemo Komiti ea Naha e tla khetha bahlahlobi ba libuka (auditors) ba ngolisitsoeng ka molao, 'me khetho eo e tla hlohonolofat' soa ke Seboka sa Selemo

## T. TEMO

- (a) Moetapele o mong ka har'a ABC/KOBO-TATA;
- (b) Likomiti tse ling li okameloa ke Balula -Litulo;
- (c) Temana ea C. 1. – 4. e ka holimo, e buoang ka botho likomiting tsa ABC/KOBO-TATA, e tla qala ho sebetsa ka sebopeho seo, ka selemo sa 2011;

## **U. METHATI EA HO AMOHA SETHO BOTHO LEKHOTLENG (PROCEDURE FOR TERMINATION OF MEMBERSHIP)**

- a)** Setho se ka felloa ke litokelo tsa botho kapa sa lelekoa Lekhotleng tlas'a mabaka a fapaneng a hlalositsoeng Motheong oa ABC/KOBO-TATA ka holimo, 'me ho latetsoe methati e hlokahalang;
- b)** Komiti ea Naha e tla tsebisa, ka mongolo, Komiti ea Lebatooa eona e tsebise Komiti ea Lekala tseo setho se joalo se ikarabellang tlas'a tsona, 'me Komiti ea Lekala e tsebise setho se joalo. Moo motho ea joalo e leng setho sa Komiti ea Naha, Komiti ea Naha e tla ngolla setho se joalo ka kotloloho 'me e kopiletse Komiti ea Lebatooa le Komiti ea Lekala la habo setho seo. Moo motho ea joalo e leng setho sa Komiti ea Naha ea Mafumahali kapa ea Bacha, Komiti ea Naha e tla ngolla Likomiti tseo 'me e kopiletse Komiti ea Lebatooa le Komiti ea Lekala la habo setho se joalo;
- c)** Ha ho setho se tla felloa ke litokelo tsa botho kapa sa lelekoa Lekhotleng Komiti ea Naha e sa tsebe kapa hona ho hlahloba litaba tsa setho se joalo.

## **V. METHATI EA HO KOALA LEKHOTLA (PARTY WINDUP)**

- a)** Komiti ea Naha e tla khetha bahlahlobi ba libuka (auditors) ba ngolisitsoeng ka molao ho hlahloba le ho tlalehela Komiti ea Naha, boemo ba lichelete, matsetse le litšia (financial investment and asset evaluation) tsa ABC/KOBOTATA;
- b)** Komiti ea Naha e tla bitsa Seboka se Khethehileng ho tla fana ka tlaleho ea a) ka holimo;
- c)** Seboka se tla etsa liqeto, se ipapisitse le tlaleho ea b) ka holimo, ka kabo ea tsena tsohle.



ABC Offices  
3rd Floor, Carlton Centre  
Kingsway Road  
Maseru, Lesotho